

www.BibleForChildren.org



Yo'han 14



Pawlaee va hpum' pe' na' kuit nyhap' kuit yak. Papuing
Peucawo' Eun reu'. Papuing Ui' ri yeut reu'. Nang nya
Eun Kuing' Ui' na' kue' a hkawng heun'. A lawn na'
un' kue' ko', na' Ui' lah' a ri pe' hawc'. Buih huk' Ui'
nung', Ui' huk' rangraen vang ut' pun pe'.



Hawc' huk' rangraen Ui' vang ut' pun pe' na', Ui'
kaw tang lih rap ri ti pe' huk' ut' mae' ti. Kop
awn' na, Ui' lawn ut' tawngnhaw' ko', pe' ku na'
pun ri ut' ri ka.



Meuh ui' Yo'han meuh ec'awng' meuh a'mawo
pe'. Meuh ku' buih ruim ri hkam' ku' tukhka,
buih ruim ri hkam' kuing' Eun Peucawo'


maee' buih ruim ri hkam'
ku' yeun' hkam na' ce



gawm'euc' maee'
pe' tiduih'
hk'a'naee Yesu'
Hkrit Eun na'.




Kopti sangsawn' ui' leukah' Eun Peucawo' na'
maee' hkam' ui' sa'hki' lawng Eun Yesu' na', ui'
pun ri hk'awng' ri nang kaw' Patmos' na'.




Ui' keulawn' ut' hk'a'naee Cit' seunga' na', tenceo'
ka kuing' pang mao' na' a ut' nanggal' ui' na', a kue'
peue mok' hk'a'pang ka ti peue.



Hawc' ka na', ui' pun ri mhawng' seng' ka ku' a'yu im'
kuing' pang mao', pang bhen' keute', hk'a'ruim bhen'
keute' na' mae' nang mha'seumut'
na' ku ceu. A lah', "Kah hk'a'
suk'seun', hk'a' hkopyawm',
munhpung' na' mae' ti'ca na'
kue' ri Cawo' mok' pang tenceo'
na' Eun mae'
Kon'yung' na'
Eun cot'cu
ri reu'."



Ui' pun ri nyu veng seunga' chak'. A meuh veng
Yeru'salaem hk'u' ku' Peucawo' tuil' Eun a lih neum
kuing' pang mao' na'. Veng awn' a pun ri rangraen ri
uin' ri seun' kon'hk'ih' kaw pen' mhe' yong' ri ngam
ko' me ri na' eun na'.



Hawc' ko', ui' pun ri mhawng' seng' laws' neum
tenceo' na' a lah', "Maet' maen', vang ut' Eun
Peucawo' na' lih ut' a mae' peue hawc'. Eun kaw ut'
mae' ce. Ce kaw meuh peue Eun. Tu' Eun Peucawo'
na' Eun kaw ut' mae' ce, meuh Peucawo' ce."



Hawc' awn' na, in' hpom na' eun tuil' ui' nawk klong'
kue' leum' civit im' seunga' seungawm seun' ceo' na'.
A lhaee' lih neum tenceo' Eun Peucawo' na' mae'
tenceo' Eun Kon'yung' na'.



Veng awn' a hkuin' lo' ceng' ka seunyi na', a'ko' ceng'
ka a'chi' na', kopti munhpung' Eun Peucawo' na' meuh
a ku' ceng' ka veng na', mae' Kon'yung' na' Eun meuh
kaw' ngawl ka veng na'.



Ku' hk'aw' jeuk na', a'ko'
peue yeuh ku' hk'o'kaic na',
a'ko' peue cang chi'lai
na' ce hkuin' kaw cang
ing' lec veng awn' na.
Daecti peue kue'
muis nang htawm
civit im' Eun Kon'yung'
na' ce yawo ce
kaw pun ri lec a.




“Eun kaw ot’ ri tec leuum’ ngai’
ce na’ ku jam ka. A hkuin’ kaw
laee kue’ hk’a’ yeum, hk’a’ kuit
nyhap’, pet yam a’ko’ hk’a’ sui’
na’ bae, kopti hk’a’ ku’ hk’im’
na’ pon ka heul’ hawc’.”




A hkuin' laee kue' hk'a' jha' na' bae. Tenceo' Eun
Peucawo' na' mae' tenceo' Eun Kon'yung' na' a kaw
uin' ri nang veng awn' na. Peue yeuh mhai' Eun na' ce
kaw yeuh mhai' Eun. Ce kaw pun ri nyu buh Eun, muis
Eun na' a kaw tawk'
ri ri rel' ce na'.



Hawc' ko', ui' pun ri nyu peue aet' peue keuting yeum
heul' hawc' na' cawng ce nanggal' ka tenceo' na'.
Htawm na' ce glas ri. Htawm seubu keuhti na' a ku
glas ri, a meuh htawm civit im'. Peue yeum heul'
hawc' na' pun ce ri hkam' hk'a' taws'
a'mu na' hot' seun' ku' yeuh ri na'
seun' ku' tem' ri nang htawm
na' ce. A'nhaw' lawn
un' kue' muis tem'
ri nang htawm
civit im' na' ko',
eun kaw pun ri
hkam' nyon ri
hk'uic' nang glu
ngawl na'.



Cit' seunga' mae' Kon'hk'ih' kaw pen' na' Ka lah',
"Ing' maen'." Saec' meuh peue mhawng' a na' kah ce
lah', "Ing' maen'." A'nhaw' lawn sum' nyui leuum' ko',
kah eun ing' maen'. A'nhaw' lawn sum' pun ko', kah
eun ing' ti lapsawng' un' tuil' ngos ri leuum' civit im'
na' maen' reu'.



Kopti Peucawo' leumeus' Eun peue
bhen' keute' na', Eun hkam' ri
tuil' Kon' ai' ti peue ri na' Eun.
Punta peue yum' Kon' ai' Eun
na' ku peue kaw ce un' lulaic,
daecti ce kaw pun cit'
tip a'yu tip
cot'cu na'.



Ro'ma 3:23

kopti yeuh peue map' na' ku peue, peue hk'uic' hk'ai'
munhpung' Eun Peucawo' na'.

Ro'ma 6:23

Kopti ngos reng ka map' na' meuh a hk'a' yeum na'.
Daecti lapsawng' lih neum Peucawo' Eun na' a meuh cit'
tip a'yu tip cot'cu hk'a'naee Yesu' Hkrit Cawo' meuh
Peucawo' e' na' Eun.

Hebrae' 9:27

A seun' peue na' pun peue ri hkam' hk'a' tang' ri uin' ri
kaw yeum ti pok yawo na' yeut, hawc' ka na' peue kaw
pun ri hkam' hk'a' taws' a'mu na'.



E'fe'su' 2:8,9

Kopti meuh a mun' Eun Peucawo' na', pe' pun hk'a' htut lawtpon na' ri hk'a' yum' pe' na'. Hk'a' htut aen' na, pe' hkuin' pun a ri yeuh meun pe' a, daecti a meuh lapsawng' lih neum Peucawo' Eun, a hkuin' meuh hk'a' htut lawtpon yeuh pe' ri pun, punta a'nhaw' hkuin' kaw cang yeuh a meuh seure' ri kop a saec' ti peue.

Ro'ma 10:9,10

Aen' na ko', moeng pe' na' a lawn rap ri ti Yesu' meuh Eun Peucawo' na' mae' hpum' pe' na' a yum' Peucawo' yeuh Eun Yesu' Eun tang kuh' im' hk'ai' vang yeum ri na' ko', pe' ku kaw pun ri rap ri ti hk'a' htut lawtpon na' yeut. Kopti meuh a yum' pe' ri hpum' ri na', Eun sawn' pe' meuh peue leupaws seumeu'. Mae' kopti meuh a rap pe' ri ti ri moeng ri na', Eun yeuh pe' lawtpon.



Yo'han 3:16,17

Kopti Peucawo' leumeus' Eun peue bhen' keute' na', Eun hkam' ri tuil' Kon' ai' ti peue ri na' Eun. Punta peue yum' Kon' ai' Eun na' ku peue kaw ce un' lulaic, daecti ce kaw pun cit' tip a'yu tip cot'cu na'. Kopti Peucawo' Eun hkuin' cus' Kon' ai' ri na' Eun lih pang bhen' keute' na' punta kaw Eun taws' a'mu ri bhen' keute' na', daecti a meuh punta kaw Eun teum'kawm bhen' keute' na' lawtpon ri Kon' ai' ri na' Eun.

1 Yo'han 5:11-13

Sa'hki' aen' a meuh Peucawo' tuil' Eun cit' tip a'yu tip cot'cu ri e' na'. A'yu aen' a kue' hk'a'naee Eun Kon' ai' Eun na'. Peue kue' Kon' ai' Eun Peucawo' na' kue' ce a'yu. Peue un' kue' Kon' ai' Eun na' ce un' kue' a'yu. Punta kaw pe' yawng pun ri cit' tip a'yu tip cot'cu na' hawc' na', ui' tem' ri tuil' ceu nang aen' ce ri peue yum' muis Eun Kon' ai' Eun Peucawo' na' pe'.



Yo'han 14; 2 Kaw'rinhtu' 5; Tuh' ri tuil' 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Plang (Blang) NT (blr) © (Active), Wycliffe Bible
Translators, Inc. All rights reserved.

<https://www.bible.com/en-GB/bible/2819/MAT.1>

©2026 Bible for Children, Inc.

www.M1914.org

www.bibleforchildren.org

